

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj:01-80/12
Vareš, 29.03.2012.godine**

Na osnovu člana 31. tačka 1. Uredbe o jedinstvenoj metodologiji za procjenu šteta od prirodnih i drugih nesreća (Službene novine Federacije BiH broj 75/04), a u vezi sa članom 182. i 183. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine Federacije BiH broj: 39/03, 22/06, 43/10), i člana 22. Statuta općine Vareš, broj: 01-25/09 od 29.01.2009.godine i broj: 01-15/12 od 30.01.2012.godine, Općinsko vijeće Vareš na 37. sjednici održanoj 29.03.2012. godine, donosi:

Z A K L J U Č A K

I

Usvaja se Izvještaj Općinske komisije za procjenu šteta izazvanih prirodnim nepogodama (snijeg i snježni nanosi) , u periodu od 26.01.2012.- 17.02.2012.godine.koji čini sastavni dio ovog Zaključka.

II

Zadužuje se Općinski načelnik i Općinski štab civilne zaštite da poduzmu sve neophodne aktivnosti kako bi viši nivoi vlasti (Vlada ZE-DO kantona i Vlada Federacije BiH) odobrila finansijska sredstva potrebna za sanaciju pričinjene štete.

III

Ovaj Zaključak stupa na snagu danom donošenja.

**PRESJEDAVAJUĆI
OPĆINSKOG VIJEĆA**

Josip Malbašić

O B R A Z L O Ž E N J E

Općinska Komisija za procjenu šteta od prirodnih i drugih nesreća, imenovana Rješenjem Općinskog načelnika broj: 02- 563/09 od 15.10. 2009.godine., je na Zahtjev građana izvršila procjenu pričinjenih šteta uzrokovanih elementarnom nepogodom (snijeg i snježni nanosi),koja je zadesila i općinu Vareš krajem mjeseca januara i februara 2012.godine, za vrijeme proglašene Odluke o proglašenju prirodne nepogode na području općine Vareš .

Kako Općina Vareš, nema obezbijedena sredstva za naknadu nastale štete, prisiljena je da finansijska sredstva zatraži od Kantona i Federacije .

Uz svu dokumentaciju koja je propisana Odlukom o procedurama, uslovima, kriterijima i prioritetima za dodjelu jednokratne novčane pomoći za otklanjanje šteta nastalih od prirodnih i drugih nesreća, za ostvarivanje prava na jednokratnu novčanu pomoć, između ostalog, je potreban akt Općinskog vijeća o usvajanju Izvještaja Općinske komisije za procjenu šteta od prirodne i druge nesreća.

Stoga se nadamo da će Općinsko vijeće razmotriti i donijeti akt-zaključak o usvajanju Izvještaja Općinske komisije za procjenu šteta od prirodnih i drugih nesreća, kako bi mogli kompletirati dokumentaciju za ostvarivanje jednokratne novčane pomoći.

Radi hitnosti u provođenju ovoga Zaključka i upućivanja istog prema višim nivoima Vlasti, predlažem da se Zaključak razmatra i usvoji u predloženom tekstu.

OPĆINSKI NAČELNIK

Hamdo Fatić